

海國輿地釋名卷九

湘鄉陳士芑翼謀甫纂

釋五洲諸山第十九

阿爾泰山 一作阿爾臺山 一作阿勒臺山 一作阿勒坦山 一名金山

在特思河西北綿亘二千餘里其頂在烏普薩西北支峯蔓

壑分爲四支正北一支隨額爾齊斯河以北入俄羅斯境東

北一支繞特思河之北千里東爲唐努山又東北接杭愛山

其河東 額爾齊斯河 一支爲烏藍郭馬山繞奇勒稽思泊之北其

南一支蜿蜒不斷納鄰河呼勒秦河哈流圖河皆出其西麓

希馬拉雅山 一作希瑪拉雅 一作希摸黎雅 一作希麻臘 牙 一作希馬拉亞 一作喜馬拉雅 一作謙

麻那歷 一名倚馬山 一名巫來山 一名以巫來亞山 一名巫來亞山 一名雪山 卽古崑崙山

海國輿地釋名卷九

厄法列士特峯 一作以委勒斯脫

高於海面二萬三千二百尺爲大地第一高峯

達亞拉里峯 一作達瓦臘給里 一作大厄拉其

高於海面萬九千一百二十尺

在印度西藏之間其北卽爲岡底斯山

岡底斯山 一作底斯岡 卽儒家所謂崑崙山釋家所謂阿耨達山

在後藏阿里達克喇城東北三百有十里高於海面萬七千

六百尺 案藏地久隸中國版圖故是編不載此山爲萬山之祖與希馬拉雅同爲古崑崙山不得不牽連及之謹

著其變 例於此

增海國圖志釋崑崙駁義

魏默深氏謂崑崙卽葱嶺葱嶺之龍池卽河源之阿耨達池

繁徵博引巧坳武斷其說辨矣然以愚攷之葱嶺非崑崙之
幹山阿耨達池在岡底斯山不在葱嶺山海經曰崑崙之虛
在西北帝之下都方八百里高萬仞其山之廣漠可知水經
註引爾雅釋崑崙曰山三成爲崑崙邱其非一山可知自中
國天山以南若葱嶺若岡底斯若喜馬拉雅綿亘橫嶠一脈
相連案郭璞爾雅註云崑崙山三重故以名云水經註引崑崙崙說云崑崙之山三級今岡底斯高於葱嶺喜馬拉雅又高於岡底斯與三重二級之義正合統言之皆可謂之崑崙分言之則岡底斯
崑崙之正幹也喜馬拉雅崑崙之主峯也葱嶺崑崙之支輔
也魏氏力闢岡底斯之非崑崙無非欲移崑崙於域中不知
地體本圓無所謂中以崑崙爲地中儒釋皆同此說其實誇張之詞不足據也若以高言
之則藏地踞平原之最高岡底斯喜馬拉雅又踞羣山之最

海國輿地釋名

卷九

二

高是豈葱嶺所能仰跂者魏氏乃謂岡底斯不及葱嶺高大
十分之一何其慎與

難者曰葱嶺非崑崙古所謂河出崑崙之說曷足徵耶是不
然爾雅河出崑崙虛說文虛大邱也不曰山而曰虛蓋括大
執言之非定指一地一山也自葱嶺以達阿里亘數千里而
藏地高於海面三千尺至四千尺爲天下平原之最高曠者

與大邱之義正合山海經崑崙虛在西北河水出其東北隅

案郭璞爾雅註引山海經曰河出崑崙西北隅以地勢攷之當以西北爲正作東北者後人傳寫妄改耳諸書又沿山海經之誤故亦多作東北也蓋後人不識崑崙所在又習聞河源出於葱嶺東北遂以肌改之經記綿褫存此孤證豈非幸耶
水經亦言河出崑崙之東北陬屈從其東南流入渤海

陬隅也文選李善注陬山足也渤海謂蒲昌海即羅布淖爾曰隅曰陬亦括大勢言之非

定指某地某山也今葱嶺適當崑崙西北河水出焉與出隅
出陬之義正合後人挾膠柱之見泥古鮮通於所謂虛也隅
也陬也皆頗預讀過未嘗細意繹會執定河出崑崙四字必
強求一山以當之於是有指和闐山爲崑崙者有指金城臨
羌之石室爲崑崙者有指吐蕃之悶摩黎山爲崑崙者有指
朶甘思東北鄙之亦耳麻不莫刺山爲崑崙者顛倒移換幾
如海市蜃樓莫可端倪亦可慨矣以和闐山爲崑崙漢人說以臨羌石室爲崑崙見漢書地理志唐人多是說故括地志云崑崙在肅州酒泉縣南入十里近人畢沅注山海經亦云在今甘肅肅州是又沿唐人之誤也以悶摩黎山爲崑崙唐劉元鼎說吐蕃言崑崙在其國中西南元鼎求之不得遂以悶摩黎當之以亦耳麻不莫刺爲崑崙元都實說其山一名大雪山○御製讀宋史河渠志以爲卽禹貢之大積石都實謂河源至崑崙已行三十日程繞其三面其謬殆不足辨

海國輿地釋名

卷九

三

知古說崑崙之非指一山一地而後吾儒崑崙四大水之說
有徵釋氏阿耨達四大水之說亦有徵儒家之說當以山海
經爲主而淮南以下諸說不足信釋家之說當以長阿含經
爲主而元奘西域記華嚴經音義一切夸誕之說不足信山
海經言河水南流注於無達卽釋氏所謂斯佗河卽徙多河卽今之葱嶺南
從五百河入東北海今之葱嶺南河流入羅布淖爾潛
流發爲中國河源者是也赤水南流注於汜天之水卽釋氏
所謂恒伽河從五百河入東南海今之恒河是也洋水西南
流注於醜塗之水卽釋氏所謂新頭河從五百河入西南海
今之印度河是也黑水西流注於大杆卽釋氏所謂博叉河
從五百河入西北海今之雅魯藏布江是也四大水源流浩

森並足相抗舍此實不足以當之固不必斷斷求合其方位也或謂博義河當爲縛芻河西北海當爲鹹海然縛芻河源流狹小不得云從五百河且鹹海亦非大海也經言入西北海不過變文與上文對舉所謂隨意舉之不必盡合地理也山海經言河水南流黑水西流亦誤當云河水北流黑水東流則合矣

魏張揖博雅釋水云崑崙虛赤水出其東南陬河水出其東北陬洋水出其西北陬弱水出其東南陬河水入東海三水入南海赤水卽恒河河水卽黃河洋水卽印度河弱水當爲黑水卽雅魯藏布江核其所出之方位與所入之海一一皆與今合自來言崑崙水之源委無有確於是者矣

魏氏必以葱嶺當崑崙必以葱嶺之喀喇淖爾當阿耨達池於是以前喀什哈爾之水當東注之水以縛芻河當西注之水

海國輿地釋名

卷九

四

然其說猶可通也求南注之水而不得則遠引渺不相涉之兩恒河以當之求北注之水而不得則遠引渺不相涉之阿被河以當之說見後強詞求勝不惜混雜其源流移縮其方里噫其孰從而信之

河圖始開曰崑崙虛河水出四維釋氏西域記曰阿耨達大山卽崑崙山出六大水今雖不能寔指爲河水然如黃河如恒河東流之水也如瀾滄江如潞江如雅魯藏布江南流之水也如印度河如塞勒特至河如阿母河西流之水也如和闐河如葉爾羌河北流之水也諸水雖非同出一山同出一池而要皆可謂之出於崑崙皆可謂之出於阿耨達故釋氏述阿耨達池四面流出之水隨意舉之不必盡同亦不必盡

合地理也後人必強合之不合復以己意移易之亦徒滋其

紛擾而已

元奘西域記曰阿耨達池在香山之南大雪山之北西出縛芻河入西北海

東出苑伽河入東南海北出徒多河潛流地下出積石山為中國河源華嚴經音義曰香山頂上有阿耨達池四面各流

出一河東面斯佗河出金剛師子口南面恒伽河出銀象口西面信度河出金牛口北面縛芻河出琉璃馬口二說互異

西域記言阿耨達池在香山之南大雪山之北大雪山即喜

馬拉雅山香山即岡底斯山也今岡底斯南百二十里有湖

曰瑪珀穆達賴池南北百五十里東西八十里或百里高於

海面一萬二千一百八十四尺恒河印度河塞特勒至河雅

魯藏布江皆發源於此殆即所謂阿耨達池與

藏人呼岡底斯為阿里大

山即阿耨達之轉音也○案山海經曰崑崙有淵深三百仞淮南子曰疏圃之池浸之黃水黃水三周復其原疑皆指岡

底斯池

海國輿地釋名 卷九

魏氏釋中其最謬者如岡底斯高於海面二萬七千六百尺

魏氏則謂其高大不及葱嶺十分之一阿被河達在數千里

外與崑崙無涉與黑水更無涉魏氏必牽合以當北注之水

又坳會淮南子黃水三周復所之說謂其潛源重發同於星

宿海坤輿圖說之高駕所山即高加索山在黑海裏海之間

南氏所列里數本不足據魏氏震於其高遂以為非崑崙不

足當之不知與葱嶺實風馬牛不相及也恒河與印度河東

西判然源委迥別魏氏混合為一又謂其發源於葱嶺脊上

之大龍池不知何據葱嶺之龍池有三要不得謂之阿耨達

池元奘歸途溺象之大龍池係葉爾羌西南八百里之塞勒

庫兒非喀喇淖爾喀喇淖爾並無西流之水雷翁海即鹹海

若裏海更在鹹海之西魏氏既知葱嶺以西水皆注鹹海又謂雷翥海即裏海何耶種種紕繆糾不勝糾至以大布里山為香山以素葉川為納林河猶其小焉者矣

興都庫施山 一作興都哥士 一作興都庫施 一作印度古

在西域阿富汗之間高於海面萬六千尺

高的斯山 一作唵底斯

在印度境

德馬温山 一作德馬文 即元史之秃馬温山

在波斯馬散地蘭部南境高於海面萬六千尺

商由馬山 一名奔崙山

在緬甸境高於海面九千九百有一尺

海國輿地釋名 卷九 六

富士山 一名不二山 一名雪山

在日本駿河國境高於海面萬六千五百七十八尺

日光山 一名二荒山 一名黑髮山

在日本下野都賀郡距東京一百餘里高於海面七千五百

八十一尺

神嵩山 一名嵩岳 一名松岳

漢羅山 一作漢拏

二山並在朝鮮

甯山 一名靈山

句漏山 一名西方山

葛洪為交趾令鍊丹於此

佛蹟山 一名柴山 一名古柴山

敬主山 一名串珠山

天琴山 一作天擒 一名高望山

大圓山 一名圓傘山

東究山 一名東皋山

仙遊山 一名爛柯山

戲馬山 一名遊英山

象山 一名安子山

卽漢安期生得道處

以上並在越南

黎巴嫩山 一作黎巴倫 一作利巴倫 一作利巴嫩 一作里巴諾

海國輿地釋名 卷九 七

在土耳其西里亞之北境廣袤約五百里

阿臘山 一作亞刺臘 一作亞臘得 一作亞拉刺 一作阿拉 一作阿來尼阿

在土耳其東土卽西史所稱挪亞避洪水處高於海面萬六千九百六十尺

道羅斯山 一作道羅 一作托羅斯 一作道露 一作頭魯士

在土耳其東土加拉馬尼亞境內

巴幹山 一作巴耳干 一作巴勒干 一作巴勒歇 一作罷塔堪 一作保耳肯

在土耳其東羅美里亞省北境

斯荅敖臥山 一作士塔諾歪 一作斯塔奴仆愛 一作斯大金 一作塔諾倭乙 一名金阿林 一名東

卽外興安嶺分支在俄羅斯西伯里亞部布爾摩里斯科省

瓦科然士克山 一作亞爾當

在斯荅敖卧山之西

烏拉嶺

一作烏拉爾山 一作烏臘嶺 一作烏拉爾圖阿林 一名佛落克嶺 卽元史之太和嶺

亞歐兩洲以此山爲界南起俄屬之白爾摩省北抵北冰海
長四千餘里峰高者約四千三百餘尺

大布里山 一名里佛依山

卽烏拉嶺西北分支

高加索山

一作高架所 一作高駕所 一作高加薩斯 一作高加索 一作考喀俗 一作考卡俗士 一作告甲索 一作靠喀蘇 一作高嘎色斯 一名牽各里麻 騰達喇斯山

在黑海裏海之間跨亞歐兩洲境高於海面萬五千八百一
十尺

海國輿地釋名 卷九

八

圖可蘇庫山

一作圖克蘇圖 一作圖克蘇護

英額申山

一作音格繩

他他馬山

一作塔塔瑪

阿當吉山

一作阿當衣

四山並在俄屬之樺大島內

格蘭便山

一作格藍便

班內菲斯峯

一作本尼非斯

高於海面三千五百二十四尺

在英吉利屬蘇格蘭島音威爾斯境內

些文山

一作舍尼痕

在法蘭西境高於海面四千尺

比里尼斯山 一作比里牛斯 一作比利牛斯 一作比利尼
斯 一作非來尼 一作比勒搦阿 一作辟俞
伊斯 一名邪拉尼法達 一名邪拉摩雷那

在法蘭西西班牙之間為二國自然界域峯高者約八千八百尺

利生嘎比阿嘎山 一名偉人山

在德意志細累細亞境內

扼士嘎比阿嘎山 一作依支麻治 一名五金山

在德意志撒孫南境與奧斯馬加交界處

什瓦士哇耳特山 一名黑林山

在德意志巴敦境內

卡批提安山 一作加白的 一作加爾巴德 一作加巴典
一名巴屯山

海國輿地釋名 **卷九** 九

在奧斯馬加布哥維納境

亞閉尼山 一作亞卑尼尼 一作亞卑尼奴 一作亞奔嫩
一作阿比尼 一作阿偏乃因士 一作阿笨年
一作愛墳南

在意大利綿亘全土

威蘇威火山 一作威素威 一作菲蘇菲約 一作委蘇維俄
一作非蘇未由

在意大利堪板尼亞境內西臨地中海後漢章帝建初中山

巔噴火灰石火漿迸出環山麓黑九恒賴邦貝斯達庇三城

均為灰石霾沒

挨德納火山 一作挨特納 一作厄得納 一作扼得納
一作哀鐵那 一作額得那

在意屬西治里島內高於海面萬有八百四十尺

亞爾卑斯山 一作亞卑斯 一作亞耳伯 一作亞爾伯
一作亞拉伯 一作阿爾魄士 一作愛耳魄斯

一作亞力伯 一作阿勒伯 一作亞勒比 一作呀爾伯

勃郎克峯 一作白郎 一作白浪 一作萌伯蘭革 一名白山

高於海面萬二千六百二十四尺

羅薩峯 一作羅撒 一作魯撒

高於海面萬二千二百四十尺

客傳老峯 一作雍格夫老

高於海面萬有九百六十尺

在瑞士綿延全境南通意大利西達法蘭西歐洲諸大水源皆發於此

楚倫山 一名倫佛尼釐斯山 一名化倫士高勞華山

在瑞那綿亘如脊

海國輿地釋名 卷九 十

杜付利山 一作多弗勒 一名布農故巴黎山

在瑞那南特倫嚴部南境

哈丹加山 一名庇高天牙禮華山

在瑞那西北境東起哈麻部西抵海延數百里

挨哥辣火山 一作挨哥拉 一作黑克拉

在丹馬所屬北冰洋之愛士蘭島內高於海面四千八百八十尺

欺尼亞山 一作怯尼亞

在非洲東境高於海面萬四千四百尺

刻力曼札羅山 一作乞力曼札羅 一作給力曼雅羅

在非洲桑給巴西境高於海面萬六千有五十二尺

盧巴達山 一作魯帕塔

在非洲莫三鼻之西南

巴勒嘎山 一作白辣克

在非洲阿白的湖之西

亞德拉斯山 一作亞大蠟 一作亞大辣 一作阿大拉斯

在非洲西北境東起阿爾坎里亞西抵大西洋橫貫摩洛哥全土

公山 一作剛山 一作康山

在蘇丹幾內亞之間

夸蘭巴山 一作夸蘭壩 一名斯溜墨爾山 一名雪山

在南非非洲岬朴哥羅尼北境高於海面萬六千尺

海國輿地釋名 卷九 十一

西奈山 一作西乃 一作薩愛乃

在紅海之北山麓南伸入海分海為二東為亞加巴海灣西為蘇彝士河即西史所稱摩西立十誡教人之地高於海面六千七百六十尺

落機大山 一作洛機 一作洛基 一作老給 一作羅說索 一名煙山 一名石山

安達斯大山 一作安的斯 一作安氏斯

勃即峯 一作即山

在落機山高於海面萬一千四百十六尺

厄力撒巴峯 一作俄里撒巴

在烟山高於海面萬四千三百二十六尺

波波甲的潑峯 一作頗頗喀退珀特

在煙山高於海面萬四千二百二十七尺

阿孔卡瓜峯 一作河空喀瓜 一作阿康押俄

在安達斯山高於海面萬九千一百二十尺

琛波刺托峯 一作波利那可太

在安達斯山高於海面萬七千一百二十尺

索拉塔峯 一作索刺達 一作蘇拉太

在安達斯山高於海面萬七千有四十尺

安的薩納峯 一作安別撒馬

在安達斯山高於海面萬五千二百八十尺

科拖珀希峯 一作可托吧希

在安達斯山高於海面萬五千有四十尺

海國輿地釋名 卷九

三

落機與安達斯二大山一脈綿延亘二萬餘里長貫南北美

洲在北洲者曰落機在南洲者曰安達斯落機南支入墨西哥境又別名曰煙山二山火峯最多其長廣為大地之冠

阿利塞尼山 一作亞利俺尼 一作阿里牙尼 一作阿力汗

尼 一名阿巴臘止菴 一名押罷拉既俺 一名亞罷拉既俺 一名亞巴拉士 一名煙山 一名藍山

在美利堅東境高於海面六千二百尺

澳洲阿耳魄士山 一作阿耳魄

在澳大利亞島新南維里斯東南境

立法鋪耳山 一作立伐鋪

在澳大利亞島新南維里斯東境

布路山 一名藍山

在澳大利亞島與立法鋪耳山相連

釋亞歐非三洲諸水弟二十上

雅魯藏布江 一名藏江 一名大金沙江 即禹貢之黑水

源出岡底斯山東南麓之打木朱喀巴珀山 譯言馬口 東流百餘

里左納嘉克嘉河又東流百八十里左納薩楚藏布河又東

流七十里右納薩布楚河又東流二百七十里轉而東南流

二百五十里又折而東北流又轉而東流二百里至嘉湯有

達克楚河自西北來會又東北流百數十里又轉而東流經

後藏札什倫布之北年楚河自南來會又折而東北而東南

流百五十里至年木哈達商河自北來會又東流百六十里

從噶木巴拉嶺北入衛地又東流二百三十里喀爾招木倫

海國輿地釋名 卷九

江自北來會又東南流二百五十里逕奈布東城折而南流

百餘里逕桑里城之西南野爾占城之東北又轉而東南流

六百餘里至工布澤布拉岡城南岡布藏布江自西北來會

又東流偏南五百餘里出唐古特界又轉而南流繞希馬拉

雅山東麓入貉貊野人境又折而西南流入亞山境過布丹

之北別名曰蒲蘭蒲達江又轉而南流過印度孟加拉部之

東分爲數支入海共行約四千九百餘里

蒲蘭蒲達江

一作布蘭補荅江 一作布蘭布塔江 一作布蘭瑪普拉河 一作巴馬埔他河 一作巴

馬布他河 一作勃拉馬布特刺河 一作梵摩布大拉河

案魏源氏大金沙江考謂蒲蘭蒲達江即大金沙下流異

名黃懋材西傲水道謂大金沙江與蒲蘭蒲達江原委各

別斥魏氏混二水爲一水之誤然以近日西人地圖證之
蒲蘭蒲達江實係雅魯藏布江下流與魏氏之言合而魏
氏謂東恒河之下流與大金沙江會而入海亦未爲誤黃氏
駁之且聞近西人有以木桴漂入雅魯藏布江復見於蒲
轉誤蘭達江者是亦二水相通之證

伊底河一作伊拉瓦第河 一作伊洛瓦底河 一作迤拉瓦
的河 一作厄勒瓦諦江 一作額拉瓦第江

源出西藏緬甸交界山中西南流千有餘里孟拱孟養二水
合而西北流來會又南流百數十里至蠻莫城與檳榔江會
又西南流過大公城之西又南流過笈古城之西又南流過
莽達拉城緬甸都城之西又南流過阿馬拉普刺城之西又轉而
西南流至阿瓦城緬甸舊都東北有抹能河自東來會又西南流

海國輿地釋名

卷九

古

百餘里更的宛河自西北來會又西南流過蒲甘城之西又
南流過普羅美城之西又東南流至緬甸南境之捫納城曲
曲南流分爲數派其正幹折向西南流由跋散入海東南一
支過藍貢之南入海長約三千里

潞江一作怒江 一名漏江 一名溺江 一名撒倫江
一名薩爾溫江 一名撒路音江 一名喀刺烏斯江

源出前藏拉薩比北二百八十里之布喀池出池東北流又
折而東南流又轉而東流約五百數十里至喀喇烏斯爲西
藏大道又轉而東北流經蒙古三十九族地境三百餘里至伊

庫山沙克河自西北來會又東北流二百里經蘇魯克土司
索克河自北來會又折南流二百里轉西南流百餘里衛楚
河自西北來入之又折而東流八十里雄楚河自西南來入

之又東流碩布楚河自西南來入之又轉而東南流類伍齊

河自北來會又東南經必蚌山至嘉玉橋為滇蜀八藏大道又東南

流七百餘里江之陽為巴克碩游牧江之陰為波密野番又東南流鄂宜楚河自

北來會又東南流經桑昂曲宗入江卡境江外悉為怒夷又東流三

百餘里入雲南界又折而南流右納狹江江外皆狹怒諸夷及貉獠野人又

南流行七百數十里出滇境入緬甸又南流百餘里與南江

會又南流八百餘里闌入南掌暹羅二國邊境轉而西南流

三百餘里過馬爾達般城又南流四百餘里至穆爾門入孟

加拉海灣凡行四千餘里

瀾滄江一作蘭滄江 一作鹿滄江 一作浪滄江 一名湄江 一名湄公河 一名眉公江 一名考罷提江

海國輿地釋名 卷九

五

有二源一曰匝楚河出格爾吉匝噶那山在匝坐岡里城西北千有餘里一曰鄂穆楚

河出巴刺克拉丹蘇克山在匝坐岡里城西北八百餘里相對東南流折而南流至匝

坐岡里東北三百餘里察木多寺前合而為一名曰拉克楚

河南流百四十里入乍了界又南流又折而西南流又折而

東南流約行六百數十里至察瓦寺有甲倉河自東北來會

又東南流百餘里色爾恭河自東北來入之又轉而南流入

江卡境行百餘里有左貢河自西北來入之又轉而南流入

百餘里經茶利大雪山入雲南界始名曰瀾滄江又東南流

三百餘里又轉而南流三百餘里至蘭州土司別分一支東

行曰漾濞江又折而西南流五百餘里又轉而南流少東二

百餘里又東南流二百餘里經順甯府北境復與漾濞江合

又轉而南流又折而東流又轉而東南流至孟養土司名曰九龍江又東流又轉而南流經車里孟龍孟崙諸土司羅梭江自東北來會又南流出滇傲外入南掌國界從此東南流歷南掌暹羅東埔寨約行三千餘里至西貢之西南入海凡共行八千餘里

案外國史畧海國圖志皆合伊底河雅魯藏布江爲一水瀛寰志畧謂潞江卽大金沙江近無錫薛氏四國日記則謂伊拉瓦第江卽怒江亦曰大金沙江又有謂潞江卽瀾滄江卽恒河者其說皆謬誤今特爲一一訂正之

又案瀾潞及雅魯藏布三江兩岸皆崇岡峻嶽急溜奔龍舟楫難通魏源氏嘗謂由藏江順流而下可以直攻印度亦不

海國輿地釋名 卷九

六

達形執之論矣

西貢河 一名默南君河 一名東埔寨河

卽瀾滄江下流出東埔寨境南流經西貢城又東南流行三百里與東奈河會又東南流一百三十里入海

富良江 一名紅河 一名瑯河 一名瀘江

上源曰禮社江 卽水經注之葉淪河 禮社江有二源東源曰白崖臉江

出雲南縣北梁王山西源曰陽江出蒙化廳西北合而東南流經磔嘉慶縣北曰大厰河又東南流至元江州北曰元江又東南流納龜溪河曰阿泰江又東南流至蒙自縣東南曰黎花江又東南流入開化府界曰魯都河又東南流入越南境經河內省之北東南分數支與普梅者賴等河 並發源滇境流入越

南會又東南流入海宋郭逵破蠻快里隘嘗次此江明時張輔等破黎寇於此

來蘇江一名蘇歷江

卽富良江之分支自懷德府城隸越南河內省東分流繞城北面轉

而西流抵青池之河柳社與銳江合

浪泊湖一名西湖 一名靄潭

在越南隸懷德府永順縣卽馬伏波仰視飛鷲跼跼墮水處

湄南河一作彌南河 一作眉南河 一作默南江 一作莫能河 一名沅江 一名黃河 一名暹羅尼羅河

源出暹羅之西北與緬甸交界山中南流約二千四百里入

暹羅海灣

琵琶湖一名琵琶江 一名近江 一名淡海 一名鳩海

日本第一大湖在東山道互十一郡受八百八水南北七十

海國輿地釋名 卷九

餘里東西三十餘里

漢江一名熊津江

在朝鮮漢城府南十里東流入海

大同江一作大通江 一名浪水

在朝鮮有南北二大源其南源分爲二一出文川城西北百

六十里大山西麓一出合山城西北百餘里大山二源分流

至成川城東南合而爲一迤西流至祥原城北境而北源來

會其北源分爲二一出陽德城北之遇仙山西麓一出定平

城西北之鼻白山西麓一出富遠城東北百餘里大山三源

分流至价川城東南合而爲一西南流至祥原城北境而南

源來會二源既合迤西流逕平壤城之南又偏西稍北流數

十里折而西南流過江西龍岡二城之東又南流至三和城之東南有黑河自東來合南來之安岳水西北流來會又西南流入於海凡行八百餘里

圖們江

一作土門江

一作豆滿江

源出朝鮮咸鏡道長白山之東麓迤東流折東南流納西南來一小水轉而東北流納南來二小水又東北流小圖們江自西北來入之又東北流洪丹河自西南來入之又東北流漁潤河自西南來入之又東北流波下川自東南來入之又折北流逕良雍城之西納東來二水又東北曲曲流逕方山堡會寧高岭王坦鍾城潼關雍大七城之西北納東來數小水又東北流逕穩城西北海蘭河自西南來合西來之布爾

海國輿地釋名

卷九

六

哈圖河入之又東五里許噶哈里河自西北合諸水來入之又東流逕美踐鎮城之北納北來二小水又東流至琿春城西五里許琿春河自東北合十數水來入之又西南流轉而東南流逕慶源城東北納西來二小水又東南流逕黑頂子之西南轉而北流逕黑頂子之東南又轉而東南流逕慶興城之東又東南注於海凡行千餘里

上二江所經各城皆屬朝鮮黑頂子村鎮名在琿春南四十一里咸豐十年以後爲俄羅斯所侵踞光緒十二年始行索

漁潤河

一作漁順河

布爾哈圖河

一作卜兒哈兔河

東恒河

一名圖噶江

一名安額河

一名安日得河

一名安治市河

一名沿絕斯江古曰恒伽河一曰恒

額河 一日宛伽河 一日乾陀衛江 一日乾吉思河 一日迦毗黎河 一日固邦河 一日靈水 一日聖水

有二大源一源曰朱甯納河 一作札母那河 即乾吉思河 出希馬拉雅山

之陽西南流入印度行經古爾瓦勒德列二部之間折而南

流入亞加拉又折而東南流至勿鹿亞巴城左納薩利河 出

鹿東南流 來入之 右納冷庚迦河 出德列北境東南 流合諸水來入之 又東南流經鹿

那亞加拉二城之南又東南流過阿拉哈巴城幹普河自麻

爾注發源東北流折而東南流來會又轉而曲曲東流至馬

思普爾城折而東北流至便阿列士城又轉而東南流又折

而東北流與哥加拉河會一源曰哥加拉河 一作戈格刺河 即西域記之苑

伽 河出岡底斯山東南狼干喀巴布山 譯言 象口 之馬珀穆達賴池

從池西流出匯為即噶池又從池西流出折而西南流名曰

海國輿地釋名 卷九

狼楚河曲曲西流而西北而西南又轉而西流約行千數百

里至阿里西鄙桑納蘇木多水執始盛又西南流折而東北

又轉而東南約行千數百里至那克拉蘇木多北鄙麻楚河

自東北來會 源出阿里之麻 布佳喀巴布山 二水既合乃名曰岡噶江南流

入印度烏德國境又東南流有決列河及列底河自西北來

入之又東南流與朱甯納河會二源既合東南流逕帕特那

城之東左右各納十數小水又折而東北流有庫色河 一作 庫薩

河出喜馬 拉雅山 自北流來會又轉而東南流經孟加拉部又東南

流逕摩希得巴城之東分為無數支派入孟加拉海灣東南

一支逕達加之西南與雅魯藏布江會而入海凡行五千餘

里

烏給黎河 一作胡義利河 一作固支黎河 即古之扈枝

恒河下流分支繞孟加拉會城入海

印度河 一作印度斯河 一作印都士河 一作信度河 一名心德河 一名新地河 一名西恒河 占日新陶

河 一日新頭河 一日辛頭河 一日彌蘭大河 一日申河 一日申沐漣河

有二大源一源曰薩楚拉河 即古新頭河 出岡底斯山北百餘里

之僧格喀巴布山 譯言獅口 山南有流泉二十餘道匯為一池出

池西流而西南而西北曲曲八百餘里至札什岡城西南納

心克賀河又西北曲曲流九百餘里過拉達克城之南又西

北流入克什米爾境又西北流至本楚城折而西南流經邊

楚哥亞東境亞士多爾西境左右各納數小水又西南流入

本若境又西南流至亞叨克城有申布河自西來會又西南

海國輿地釋名 卷九

辛

流左右各納數水又西南流與塞特勒至河會一源曰塞特

勒至河出希馬拉雅山北麓西北流千餘里出阿里境折而

西南流入印度境歷幹那窪布士沙賀社普爾諸土部又折

而西流納北來一小水又轉而西南流逕本若部東南境有

這里恩河支納比河合而西南流來會又西南流與薩拉楚

河會二源既合曲曲西南流入信地部境又西南流至路得

城分一支東南流經惹易普爾城入於叩齒澤中其正幹則

西流折而南流繞海得拉巴城分為數派入於阿刺伯海灣

凡行七千餘里

塞特勒至河 一作隆德勒至河 一作薩德勒至河 一作撒特列齒河 一名嘎拉河 一名噶拉河 即佛國記之捕那河 一日暹奴河 一日閻年那河 一日延那河

這里恩河 一名占勞河

支納比河 一作拉維河

案東恒河經行中東兩印度印度河經行西北兩印度源流浩瀚支派紛歧釋經說法動喻恒河惜莫能詳其源委而東西混稱尤多淆雜近人黃懋材創為五大源之說亦多任意牽合未盡可據愚意二水並為西土之鉅流諸佛菩薩多託生其間其源自當以出於阿耨達山者為正其餘所納諸水大半出印度境內諸山祇可謂之別流要皆不得蒙正源之稱且東恒河會入之水尤眾又能碻辨其孰為源而孰非源乎

哥達惟利河 一作義他惟利河 一作義他威利河 一作戈達斐利河 一作哥達威黎河 一作果荅伐利

海國輿地釋名卷九

河 一作果荅浮里江 一作格達費里河

有二源並出印度疴隆加巴部西北山中相對曲曲東南流至親奴阿城合而為一又東南流又折而東北流納東北來一小水又轉而東南流又折而迤東流入伯西爾加部又轉而東南流分為二支入孟加拉海灣長二千七百里

馬哈那第河 一作瑪合奴的河 一作馬唯納地河 一作麻曷辣氏江

源出印度那哥布爾部東境迤東流折而東北流又折而東南流納北來一小水又曲曲東南流又折而南流又轉而東北流又折而東南流又轉而東北流入伯西爾加部北境過科塌克城之北又東北流與勃拉門尼河會注於孟加拉海灣

勃拉門尼河 一作巴刺迷尼河

源出印度孟加拉部西境東南流又折而南流又折而西南流又轉而東南流又折而西南流又轉而東南流經伯西爾加部北境又轉而迤東流與馬哈那第河會而入海

吉斯德那河

一作基斯德那河 一作乞斯特那河 一作吉那河 一作吉拿河 一作克力拖那江 一名敦布特拉河

有南北二源南源出賣索爾西境大山曲曲東北流出賣索爾部折而西北流又轉而東北流經巴拉加部又轉而迤東流又轉而東北流至德干南境與北源會北源又有二小源並出薩塔拉城西大山相對曲曲東南流入德干境合而為一又東南流與南源會二源既合迤東流又折而北流又轉

海國輿地釋名 卷九

三

而東北流又折而東南流又轉而東北流又折而東南流過伯西爾加之西南加爾那的之東北入於孟加拉海灣

那布達河

一作逆埔他河 一作內爾布達河 一作乃耳杯達江 一作閩爾披達江

源出那哥布爾北偏山中二源並發西北流出山而合折而西南流行經二山之間又曲曲迤西流過麻爾哇部之南又轉而西南流又折而西北流又轉而西南流過巴羅他城之南入於阿刺伯海灣
達布的河 一作答他河 一作塔魄提河

源出那哥布爾部西北流經刊代施部之北入於那布達

河

加惟利河

一作加惟喇河 一作加威利河

在印度西南境源委未詳

烏魯密阿湖 一作烏魯米湖 一作烏魯米厓湖

在波斯西境水面積為方里者九千四百五十

巴爾喀什湖 一作巴拉曼石湖 一作保耳開施湖 一作巴勒喀什淖爾 一名吞思鄂模

在俄羅斯阿克摩鄰斯科省之東南南臨阿爾泰山東近宰

桑泊形如瓜瓠南北距二百餘里或百餘里東西距八百餘

里水面積為方里者六萬有奇

阿母阿 一作阿木河 一作阿模河 一作阿梅河 一作阿穆河 一作亞母河 一作亞木爾河 一名暗布河

一名阿布河 一名阿書河 一名阿母達牙河 一名阿某大雅河 一名亞木達里亞河 一名阿木大利亞河

一名荷薩土河 卽漢書之滂水 唐書之烏澗河 西域記之縛芻河

源出葱嶺之阿賴山西流會布哈爾境內諸水行二千餘里

海國輿地釋名 卷九

三

達波斯國界北折入於鹹海

納林河 一作那林河 一作納林河 一名錫爾河 一名西耳河 一名西爾達里亞河 一名西爾大雅河 一名西

名西耳大利亞河

源出俄境之天山逕布魯特境西流過安集延城之北又西

流過瑪爾哈朗城又西流過賽瑪爾堪城之北又折而東南

流入於鹹海

色楞格河 一作色冷額河 一作塞倫額河 一作習靈額河 古曰仙娥河 一日仙萼河 一日錫蘭河 一日薛涼格河 一口薛靈哥河 一日昔令哥河 一日僕羣

傑河

源出杭愛山 一作杭海山 一作頑靄山元 西南麓曰齊老圖

河 河出三音諾顏部中左未旗為鄂爾哲依圖泊 案水道提綱載色楞格有六源會典圖說則以齊老圖河為正源

不取六源 並發之說 東北流千七百里與鄂爾坤河會又東北流經恰

克圖西又北流入俄羅斯國境又東北流者得河自西北來入之又東北流過楚庫拜商一作楚庫柏興俄人呼城營拜商或作柏興拜星皆譯字之殊

之西南楚庫河自東南來入之又北流過烏德拜商一作烏的柏興

烏德河自東南來入之又東北流折而正北流伊談珠河自

東南來入之又西北流瀦為白哈兒湖又從湖西北流出別

名曰昂可拉河自合鄂爾坤河至此凡行干一百餘里

鄂爾坤河一作鄂爾昆河 一作鄂勒坤河 一作鄂勒昆河 一作鄂魯渾河

者得河作澤德河 一作哲德河

烏德河一作烏得河 一作烏的河

伊談珠河一作伊坦珠河 一作衣灘尤河

白哈兒湖一作柏海爾湖 一作貝加爾湖 一作拜加爾湖 一作白轄爾湖 一作白喀爾鄂模 一作拜喀爾

海國輿地釋名 卷九 十四

鄂模一作白曼爾湖 一名麥嘉湖 一名麥加湖 一名拜刺湖 一名白哈兒湖 一名柏海 一名白海 元史之菊海 卽

在楚庫拜商北五百餘里為漠北第一巨浸南北長二百里

東西廣約千里水面積為方里者九萬一千有奇四面皆山

色楞格河自西南來入之

昂可拉河一作昂噶拉河 一作昂阿拉河 一作昂噶喇河 一作安噶拉河 一名菴雅臘河 一名上通固斯喀河 一名上東姑師河 一名上屯固斯克河 卽元史之昂可刺河

河從白哈兒湖流出西北流經義古斯科城厄爾庫河自西

南來入之又西北流噶們噶河自東北來入之又折而西南

流倫多河自北來入之又西南流逕博拉斯歸城北集達雅

河自東南來入之又西南流薩瑪爾河自東北來入之又轉

而西北流伊爾尼河自東北來入之又西流古爾班孟納斯河自南來入之又西流滿達河自南來入之又西流罕河自東南來入之又北流會於也尼塞河凡行三千數百里

厄爾庫河一作厄里口河 一作厄爾口河 一作額爾口河

源出阿爾泰東北額古登昭山之東北麓

伊爾尼河一作伊里穆河

源出伊里穆城北山中

也尼塞河

一作也尼賽河 一作日尼塞河 一作葉尼賽河 一作惹尼色河 一作惹尼色斯河 一作葉尼色河

一作烟尼塞河 一作伊聶謝河 一作熱尼西河 一作因尼西河

上源曰克穆河出穆遜山西北之托羅斯嶺曲曲西北流達

俄羅斯境又西流過烏邁圖喇城東又北流合阿努河諸水

海國輿地釋名

卷九

五

與昂可拉河會又北流過也尼塞斯科城東又北流科穆河

自西來入之又西北流左右各納數小水又北流中通固斯

喀河自東曲曲流來會又西北流左右各納數小水又北流

下通固斯喀河自東流合數水來會又西北流左右各納數

小水又西北流惹羅珊河來入之又北流冬古薩河來入之

又西北流過多羅三色吉城在也尼塞斯科西北千四百里東又西北流左

右各納數小水又北流入於北冰海自會昂可拉河至此約

行三千餘里

克穆河

一作克木河 一作喀木河 卽元史之謙河 日欠河

阿努河

卽元史之阿浦河

中通固斯喀河

一作中東姑師河 一作勾台斯喀江 一名額特喀珉河 一名鄂羅河

下通固斯喀河

一作下東姑師河 一名巴喀拉河

一作下屯固斯克河

額爾齊斯河

一作厄爾齊斯河 伊爾推什河

一作歐別斯江

即元史之也兒

的石河一日葉兒的石河一日也里的失河 元秘史曰額兒的失水

有二源一源出阿爾泰山曰華額爾齊斯河一源出庫爾圖

嶺曰喀喇額爾齊斯河二水各行百數十里合而西北流七

百五十餘里瀦為宰桑泊復從泊西北流出科爾沁河入之

又西北流布崑河入之又東北流烏柯爾烏蘇河入之又東

北流納林河入之

此另是一水發自阿爾泰山烏梁海西界

又折而北流莫依璘

河入之又轉而東北流布克圖瑪河入之又東北流達俄羅

斯國界又東流逕鏗格爾圖喇之東又東北流過森博羅特

城又東北流逕達布遜圖喇又東北折而西北流多拉河自

海國輿地釋名

卷九

三

東南來入之又西北流伊什穆河自西南來入之又西北流

逕德波斯科城托波兒河自西南來入之又東北流過狄穆

演斯科又東北流過薩馬爾斯科又東北流會於阿被河凡

行四千餘里

宰桑泊

一作宰桑泊爾 鴻和圖淖爾

一作齊桑泊 一名臺基湖

一作齊桑諾爾 一名薩愛散湖

在綏靖城東北五百餘里湖形橢圓周四百餘里

布崑河

一作布坤河

源出喀拉瑪山

多拉河

一作塔喇河

西北流逕多拉斯科入額爾齊斯河

伊什穆河

一作乙暖母江

源出烏拉嶺

托波兒河 一作托博爾河 一作拖保耳江

源出烏拉嶺

阿被河 一作阿比河 一作疴比河 一作阿板河 一作科比河 一作鄂必河 一作鄂布河 一作倭別河 一名牙巴里河 一名烏彌河

有二源並出阿爾泰山一日哈屯河即魏源氏所稱出大布里山者一由切列慈湖軼出曰比牙河兩河會於畢斯克城東北流過巴爾訥烏勒湖又東北流逕託穆斯科城之東託穆河自東南入之又轉而西北流揭的河自東來入之又西北流逕那里木城 一作拉類木 一作那力母 法克河自東來入之又西北流逕蘇爾固特城 一作蘇爾姑特 一作蒐勾特 又西北流至薩馬爾斯科

海國輿地釋名 卷九

七

額爾齊斯河自西南流來會又西北流轉而東北流入於北冰海凡行六千餘里

案何氏秋濤既誤合額爾齊斯河阿被河為一水又不知哈屯河即阿被河之上源鄂布河即阿被河之異音展轉混淆舛謬特甚今據西圖訂正之

哈屯河 一作咯吞河

切列慈湖 一名阿爾泰湖

比牙河 一作比雅河

巴爾訥烏勒湖 一作巴淖爾 一作罷淖爾

揭的河 一作格達河 一作克乞河 一作開齒江 一作解梯河

法克河 一作瓦克河

來那河一作來納江 一作列訥江 一作勒拏河 一作裏那河 一作里那河 一作勒納河 一作列納河 一作烈納河 一名烈納色欽 一名朱爾克河

源出白哈兒湖之北大山北麓東北流納南來無數小水又北流過亞古德斯科城之東又北流奧登河自南來合數小水折而西北流來會又折而西北流逕斐里烏依斯克城之東斐里烏依河自西流來會又西北流納西南來二小水又轉而東北流納東南來二小水又西北流入於北冰海凡行六千八百八十里

阿那底河一作阿納底爾河 一作阿那底爾河 一作阿乃底耳河 一作亞那底河

源出郭爾噶東北山中二源並發北流而合折西流經兩山間行千餘里又折東南流五百餘里又轉而東流入海共行

海國輿地釋名 卷九

三

二千餘里納有名之水凡六

因底牙加河一作音底日爾噶河 一作因寄吉爾噶河 一作因的吉爾河 一作英氏吉耳喀河 一作英的日爾加河

源出俄羅斯西伯里亞東境俄邁康城西南山中曲曲西北流過希緝耳斯克城之西納西來一小水折而東北流經亞古德斯科省又轉而西北流又轉而東北流至愛果立那城之西入於北冰海

珂里馬河一作郭列穆瑪河 一作可力馬河 一作克里麻河 一作哥義馬河 一作可播馬河

源出西伯里亞東境斯答敖卧山西北流轉而東北流逕科力母斯克城之東折而西北流又轉而東北流至珂里馬斯克城入於北冰海

阿那巴拉河一作阿臘巴納河 一作阿拉薩納河 一作亞那巴拉河 一作阿那罷河 一名阿那斯加河

源出西伯里亞東境吐里基斯城東北山中曲曲東北流轉而向北流逕奧耳斯克城之西入於北冰海

喀坦噶河一作喀湯加河

其源為大泊東北流過喀坦斯克城之西入於北冰海

俄來乃克河一作鄂勒塌克河

源出俄屬阿力諾特城境西北流左右各納數小水過密開羅倭城之西又西北流折而東北流過西干噶城之北又折而東南流又轉而東北流又轉而北流入於北冰海

北酌拉河一作必查納河 一作北者拉河 一作博綽爾河 一作排綽拉江 一作丕楚刺河

海國輿地釋名 卷九 无

上源曰博綽爾湖出烏拉嶺東北窩集中河水從湖之西面流出西北流入於北冰海

北杜味納河一作北土味拿河

源出羅瑪諾傅城在俄屬惹勃斯拉 傳省百約三百里西南窩集中西北流入於白海

美森河一作米森河 一作墨森河

源出俄屬窩羅痾達省北境窩集中西北流入於白海

阿尼加河一作痾尼加河 一作阿尼牙河 一作俄尼嘎河 一作俄乃嘎河 一作科內加河

上源曰阿尼加湖河水從湖之東面流出折北流又折而東而北而西又北流入於白海

阿尼加湖一作痾尼牙湖 一作阿尼牙湖 一作俄尼嘎湖 一作痾內加湖 一作科內加湖 一作俄乃噶湖

一作倭湮日湖 一名額納噶泊 一名額納噶鄂模

在俄屬阿羅義斯省內周千餘里西通刺多牙湖

刺多牙湖 一作拉多牙湖 一作拉多加湖 一作拉多嘎湖

一作拉多日湖 一作喇多噶湖 一作賴圖革湖

在阿尼加河西南縱三百九十二里橫二百三十八里水面積為方里者六萬一千六百

北壹布湖 一作博斯布湖

在俄屬北斯哥弗省內有支津西北流四百餘里入尼瓦河達於波羅的海

北不斯湖 一作卑不斯湖 一作彼布斯湖 一作皮浦士湖

在俄屬比德羅堡里高尼亞二省之間

海國輿地釋名 卷九 三

賽瑪斯湖 一作賽瑪湖 一作塞美斯湖 一作塞馬湖

在俄屬芬蘭境聚列小泊約二十餘區縱八百里橫二百六十里

尼瓦河 一作尼瓦維河 一作訥瓦河 一作內襪河 一作訥羅襪河 一作納法河 一作耐華河

河從刺多牙湖流出西流分為二支繞比德羅堡都城四面又西流入於芬蘭海灣行百六十餘里

捏門河 一作離門河 一作尼門河 一作尼緬河

源出俄屬之明斯克省西北流過哥羅德諾省之南折而北流過維里納省之西又轉而西北流過科夫諾城又西北流過蘇瓦耳其省之東南入於波羅的海

維士都拉河 一作維士都拉河 一作味斯都拉河 一作維士克耳

卡馬河 一作喀穆河 一作噶瑪河

源出俄屬窩羅疴達省東北提曼山中東南流至卡馬城

西北轉而曲曲西南流納東南來數水又西南流維亞得

加河 與省同名 自西北來入之又西南流會於窩爾加河

烏拉河 一作烏臘河 一作哈拉河 卽元秘史之亦的勒水

源出烏拉嶺南麓曲曲西南流合額勒克河庫庫河察罕河

諸水逕塔哥城鄂依楚克城又西南流過阿私達拉干東境

又西南流分爲數汊入於裏海

庫墨河 一作庫麻河

源出高加索山東麓東北流轉而東南流入於裏海

阿拉斯河 一作阿拉土河 一作乃四特江

海國輿地釋名 卷九 三

源出土耳其亞爾美尼亞省東境東流百數十里入俄羅斯

境過加利斯省之南有一水自正北大泊南流來入之又東

南流逕是爾灣城之南又轉而東流有庫阿河自西北流來

會又轉而東南流入於裏海

庫阿河 一作庫耳河

地尼伯河 一作第聶珀爾河 一作得聶珀河 一作聶卑爾河

一作涅博爾河 一作德尼博爾河 一作得尼拍爾河 一作尼帕河 一作捏帕河 一作尼魄耳江 一作地業江

源出俄屬斯摩稜斯科省東北窩集中西北流過斯摩稜斯

科城之北轉而南流納西北來一水又南流納東北來一水

轉而東南流過厄加德黎諾斯拉甫城之東轉而西南流過

擣里達給里孫二省之間又西流至給里孫城之南入於黑

海凡行三千五百一十里

敦河 一作端河 一作頓河 一作都汪河 一名大乃河

源出俄屬都拉省西北曲曲東南流過窩羅尼日城之西窩羅尼日河自東北流來會又東流謨都瓦底察河自東北來入之又轉而南流又轉而西南流又轉而西流多納特斯河合眾水自西北流來會又西流入於亞速海灣凡行二千七百里

尼斯透河 一作捏士塔河

源出奧斯馬加境東南流入俄羅斯境又東南流過波多里亞比薩拉比亞三省之間又東南流過比薩拉比亞給爾孫二省之間又東南流至俄秩薩城之西入於黑海

海國輿地釋名 卷九

附俄屬樺太島諸水

白活必河 一作博和畢河

低已怒河 一作低已弩河

出可金河 一作楚克津河

楚拉河 一作出拉河

特懇河 一作特肯河

衣堆噶珊河 一作伊對河

郭多活河 一作郭多和河

奴列河 一作弩烈河

達喜河 一作達善河

披倫兔河 一作皮倫圖河

厄里耶河 一作額里雅河 一作額里野河

他他馬河 一作塔塔馬河

阿當衣河 一作阿當吉河

海國輿地釋名 卷九

三

